



სასალსო ბაზეტი

საქართველო

საქართველო ჟურნალი

ბაზეთის № 898

ლაგაბის № 158

კვირა, 19 მაისი 1913 წ.

კახეთს

მაღალ-ახალით ვაფხედავ,—
სამოთხის კარი ეღება:
ალავერდი სჩანს,... კახეთი,—
ჩემი სამშობლოს შვენება;
გულში ამოხდა ცისკარი,
ღამემ დაიწყო თენება,
მომინდა ძველის დროების,—
გარდასრულ გმირთა ხსენება.
იმათ აჩრდილთან ლანდალა
მკლავებიც მომეჩვენება,
ხმლითა და ფარით შემკული,—
მამულის მტერზე ტყვება.
დავლიო შესანდობარი,
ოცნება მომეფერება.
სმით ვაფხედ, მოგონება კი
გულს საუკუნოდ ენება.
რაზმი და რაზმი ფიქრების
გარს შემომერტყა ნისლადა,—
აღარ მაცლიან აფწონო
რაც მომივიდა ფიქრადა,
ტალღა აწვება ტალღასა
ჩემს გულს იხდიან ბინადა,
ათას ნაწილად დაიჭრა,
ერთად ნაგრძნობი წინადა.
თვალს ვერ ვაცილებ ბახტ, იონს:
აყვანილი მყავ შვილადა,—
ნატბევარია სისხლისა,
დღეს განისვენებს ტკილიდა;
ლუბუმ-ზეზვასებ ერთგული
ნას ეყოლება ძვირადა!
ოცნება ბახტრიონისა
მონასტერშია მწირადა..

თვალს დაეყოლებ ალაზანს
ქცულსა ბევრჯელ სისხლადა,—
ვეღს ოქროს მტევნად წოდებულს,
აჭილებიან კისრადა
გალმა-გამოღმა სოფლები,
თავის სიკოცხლედ, იღბლადა.
ფილტვად აქვს კახეთს თელავი,
ხოლო სიღნაღი ღვიძლადა;
პირის-პირ დაუყენებენ
კავკასიის ქედს ჯიბრადა
იმ თავის ციხე-გალავნებს,
ანაგებებსა მკვიდრადა.
ჩვენია ჩვენი ქვეყანა,
თუ ვის სხვას ერგო წილადა?
ქედ-დახრილნი ვართ, ბეჩაფნი,
შთენილნი განაწბილადა!...
წიწამურს კილით-კიდემდე
გართხმულს ალაზნის ველადა
მე ვსახავ სული წმინდადა
მოფენილს კახთა მცველადა.
დღეს სად არიან, ვისაცა
ჩვენი დალუბვა ეწადა?
რა ირგეს?—სხვა არაფერი
მხეცები დარჩნენ მხეცადა!
ჩვენი ტანჯვის და ვაების
ალი აუშვეს ზეცადა,
ჩვენ ბევრი გვაგნეს, თავისთავს
ვერ არგეს ერთი ბეწვადა.
რა დაპრჩესთ ან დღევანდლებს
შემდეგში დასაკვებადა!..
დავცურავ ფიქრის ზღვაშია,
ტალღა პირში მცემს სიღებსა
ბედ-იღბლის ვერაგობაზე,
ამაოდ ვალტკენ კბილებსა.
ავაყენებ კი ტირილით

გარდასრულ ქართველის გმირებსა?
ხმელს ვინც იქნედა, კვდებოდა
მკლავზე სისხლ-გადამდინარი.
ვინც ვერა სთმობდა მამულსა
მტრის რაზმში ელკად მფრინავი,
„არ მოგცემთ ჩემსა სამშობლოს“,
ამირანის ხმით მგრგვინავი,
კვდებოდა პირზე ღიმილით,
იმაზე მეტი ბევრადა,
რაც კახეთს მწვანე ამოვა
ტურფა ყვავილთან ერთადა
მაისის დამდეგებშია
მთა, მინდორ, ქალა, ველადა.
დღეს გმირთა შესანდობარსა
მთები-ლა ჰსვამენ მალღები,
რადგან კახეთში, კახთათვის,
დაცარიელდა მარნები.
ის მთები კავკასიისა,—
მკვდარი კახეთის ზღუდენი,
კვარცხლობეკი შავის ნისლებს
სად არწივთა აქვს ბუდენი,
ჩემი ბავშვობის ოცნება—
ბარტყი გაზარდა ორბადა,—
უზარ-მაზრის მხრებითა
კილით კიდემდე ზორბადა,—
თავზე დაპრჩუნავს კახეთსა
გულ-მტკივნეული, მშობლადა.
და რომ არ იყოს ტანჯვითა
სულ მუდამ ასე ობლადა,
ალავერდს გიორგისა სთხოვს
ბოდბეში წმინდა ნინოსა,
რომ იმათ მეოხებითა
კახთ სხივი მოეფინოსა,
მეტი ისწრაფონ სწავლისკენ,
ნაკლებსა ჰსვამდენ ღვინოსა.

ვაჟა-ფშაველა.

უ ვ ა ვ ი ლ ე ბ ი

ა. შნიცლერისა.

დღეს, შუა-ღლის შემდეგ, სულ ქუჩა-ქუჩა დავხეტიალებ-
დი. წყნარად, აუჩქარებლივ სცივოდა ქუჩებზე თეთრი თოვ-
ლი. ეხლა სახლში ვარ, ღამეა ანთია, სიგარას მოვუკიდე. მა-
გიდაზე ბლომად წიგნები აწყვია. საერთოდ ყველაფერი ხელს
უწყობს ჩემს მყუდროებას. მაგრამ ყველა ამოა, სულ ერთი
და იგივე აზრები მიტრიალებს. განა დიდი ხანი არ არის,
რაც „ის“ ჩემთვის მკვდარია? დიახ, მკვდარია! არა, მკვდარი-
კი არა, (როგორც მაშინ მოტყუებული ბავშვურის რიხიანო-
ბით მეგონა) რაღაც სიკვდილზედ უარესი დაემართა... მაგრამ
ეხლა, როდესაც ვიცი, რომ „იმას“ სიკვდილზე მეტი არა დაპ-
მართვია-რა, ვიცი, რომ მხოლოდ მოკვდა, მოკვდა ისე, რო-
გორც იხოცებიან ყველანი, რომელნიც ეხლა აი იქ, მიწის
ქვეშ, წვანან და იწვეებიან ყოველთვის, ყოველთვის: მაშინაც,
როდესაც კვლავ მოვა გაზაფხული, ზაფხული, მაშინაც, რო-
დესაც, როგორც დღეს, თოვლი მოვა. იწვეებიან და არასოდეს
ადგომის იმედი არ ექნებათ... ეხლა ვიცი, „იგი“ ჩემთვის აღ-
რევე არ მომკვდარა. ჩემთვისაც მაშინ მოკვდა, როდესაც

სხვებისთვის, ყველასათვის. წუხილი?... არა, როცა საფლავში
ვასვენებთ იმას, ვინც ოდესღაც ჩვენ გვეკუთვნოდა, ვისი სა-
ხეც-მთელი თავისი მკაფიო მოხაზულობით თვალ-წინ გვიდ-
გია, ვისი თვალების ბრწყინვალეობას ვხედავთ და ვისი ლაბა-
რაკის ხმა გვესმის,—მაშინ მარტო საერთო ღრუოლვა, აგვი-
ტაცებს ხოლმე.
რასაკვირველია ძნელი იყო იმისი ვაგება, რომ მატყუებ-
და... რა არ განვიცადე მაშინ? აშფოთება, უეცრივი სიძულვი-
ლი, ზიზღი ცხოვრებისადმი,—და რასაკვირველია—შეურაცყო-
ფილი თავისმოყვარეობაც. მხოლოდ შემდეგში, თანდათან
მწუხარებასთან ერთად ნუგეშიც გაჩნდა: რწმენა, რომ „ისიც“
უნდა იტანჯებოდეს. ეხლი აქ მიწყვია და ყოველ წუთს შე-
მიძლიან გადავიკითხო „იმისი“ აუარებელი წერილები, შენ-
დობასა თხოულობს ამ წერილებში, ჭვითინებს, მწარედ სტი-
რის!—აგერ თვით „იმასაც“ ვხედავ: ბინდისას ქუჩის კუთხეში
სდგას, თავის მუქ ინგლისურ ტანთსაცმელში გამოაწყობილი
პატარა ქულით; კარებიდან გამოვედი... მიყურებს...
ის უკანასკნელი შეხვედრაც მახსოვს, როდესაც ჩემს წინ
დიდ ხანს იდგა, გაკვირვება აღბეჭდოდა მრგვალ-ბავშვურ სა-
ხეზე, რომელიც ეხლა მთლად გადაფითრებულია, უძრავი...



„ზაქ. ფალიაშვილი. მისი კონცერტის გამო.“

როცა წასვლა დააპირა და შემშვიდობებოდა, ხელი არ გაუწოდებდა, — მიდიოდა უკანასკნელად. — ვხედავდი, როგორ მივიდა კუთხემდის, შეუხვია მეორე ქუჩისკენ და გაჰქრა სამუდამოდ. ეხლა ის აღარ დაბრუნდება...

მართალი რომა ვსთქვათ, ეს უბედურობა სრულიად შემთხვევით გავიგე. შესაძლებელია ერთი კვირა დასულიყო; თვე, მე-კი არა მკოდნოდა-რა მაგრამ ერთ დღეს ქუჩაში იმისი ბიძა შემხვდა. იშვიათად არის ხოლმე ვენაში და ხშირად არა ვხვდებით. წინათაც, ერთხელ, ან ორჯელ თუ დავლაპარაკებულვარ: პირველად სამის წლის წინად ვნახე კეგლის მოთამაშეთა საზოგადოების საღამოზე, სადაც „ისიც“ იყო თავის დედი. ერთხელაც, მეორე ზაფხულსა ვნახე: მე და რამდენიმე ჩემი მეგობარი პრატერში ვიყავით. ჩვენს გვერდით ვილაც კაცებს დაეჭირათ მაგიდა. მათ შორის იმისი ბიძაც იყო. ბიძია კარგს, თითქმის მხიარულს გუნებაზე იყო, ჩემი სადღეგრძელოც დალია. წასვლის დროს მოვიდა ჩემთან და საიდუმლოდ მითხრა, ჩემი ძმის-წული ერთავად შენით ბოდავსო. ლოთი-ფოთობის წუთებში სასაცილოდ მიმაჩნდა, თითქმის გასაკვირვლად რომ მოხუცმა სწორედ ამ დროს, წინწილების წკრი-ალსა და სკრიპკების სიმთა ჟღერის დროს, მიაშბო ეს ამბავი; მიკვირდა, რადგანაც უიმისოდაც ყველაფერი კარგად ვიცო-დი, ჯერაც არ გამციებოდა ტუჩებზე იმისი უკანასკნელი კოცნა... და აი. უეცრად სრულიად მოულოდნელად დღეს დილით გავიგე... ვერ შევამჩნიე, კინაღამ გვერდი აუქციე. უფ-რო ზრდილობისთვის, ვიდრე რაიმე საჭიროებისთვის, ძმის-წულის ამბავი ვკითხე... კარგა ხანია იმის ამბავი აღარ გამე-გო. წერილებს დიდი ხანია აღარა მწერდა; მარტო ყვავილებს მიგზავნიდა თვეში ერთხელ ჩვენი უუბედნიერესი დღეების მოსაგონებლად; არავითარ წერილს არ გამოაყოლებდა ხოლმე მხოლოდ უხმო, მორჩილ ყვავილებს მიგზავნიდა... მოხუცს რომ ვკითხე, საშინლად გაიკვირვა! როგორ? განა არ იცით? ერთი კვირაც არის რაც საცოდავი გარდაიცვალა! ელდა მე-ცა. მოხუცმა ყველაფერი დაწვრილებით მიაშბო. იგი დიდ ხანს ავადმყოფობდა, ლოგინში-კი მხოლოდ ერთი კვირა იწვა... რით იყო ავად? „ნერვები ჰქონდა მოშლილი... სისხლ-ნაკლები იყო... ექიმები ხომ ნამდვილს მიზეზს თავის დღეში ვერ გაი-გებენ“.

დიდ ხანს ვიდექი იმ ადგილას, სადაც მოხუცმა დამტო-ვა; ისე ვიყავი მოშლილი, მოწყვეტილი, როგორც დიდი ჯა-ფის შემდეგ. — ასე მგონია დღევანდელი დღე საზღვარია ჩემი ცხოვრებისა. რატომ?... რატომ?... რატომ და იმიტომ, რომ ჩემს ცხოვრებაში გარეგნული ცვლილება მოხდა. არავითარი გრძნობა არა მქონია მისდამი. თითქმის არც-კი მაგონდებო-და... ყველა ეს ქვევით აღვწერე, და ამან ცოტაოდენი შეგება მომცა: დავმშვიდდი: ვგრძნობ ჩემი ბუდის მყუდროებას. — რა-

და საჭიროა იმაზე ფიქრი და თავის გა-ტანჯვა. მივანდოთ ეს იმას, ვისაც ჩემზე მეტი საბუთი აქვს მწუხარებისა.

* *

სასიეროდ გავემგზავრე. ზამთრის ნა-თელი დღეა. ცა მკრთალია, შორი, ცი-ვი... სრულიად დამშვიდებული ვარ. გუ-შინ რომ მოხუცი შემხვდა... ასე მგონია რამდენიმე კვირის წინად იყო მეთქი. — იმაზე რომ ვფიქრობ, მკაფიოდ მიდგება თვალწინ მისი სახე, მხოლოდ ერთი რამ აკლია, მრისხანება, რომელიც ამ უკანას-კნელ დრომდის ყოველთვის უერთდებო-და ჩემს მოგონებას. მაგრამ, მაინც ნათ-ლად ვერ წარმომიდგენია, რომ იგი ამ ქვეყნად აღარ არსებობს, კუბოში წევს, მიწაშია ჩაფლული. კი არა მწყინს, — არა! ქვეყნიერება დღეს კვლავინდელზე წყნა-რად მეჩვენება. ხანდისხან მგონია, ვითომც არ არსებობს არც სიხარული, არც მწუ-ხარება; მხოლოდ სიხარულის ან მწუხა-რების სახის გამომეტყველება; ვიცი-ნით, ან ვსტირით და ამით ვმართავთ ჩვენ სულსაც. ეხლა შემძლიან დავჯდე ღ ძა-ლიან ღრმა-აზროვანი წიგნები წავიკითხო, დარწმუნებული ვარ შინაარსი ძალიან მალე გამიტაცებს. აგ-რედვე შემძლიან დავდგე ძველებური სურათების წინ, რომელნიც წინად ჩემს სულსა და გულს არაფერს ეუბნებოდნენ, ვუცქირო და მათი პირქუში სილამაზე ვიგრძნო... როდესაც მაგონდება მრავალი, ჩემთვის ძვირფასი, ბნელ საფლავში ჩა-სული არსება, წინანდებულად გული არ მეხუთება — ჩემთვის სიკვდილიც-კი სამეგობრო რამ გაჰხდა. იგი ჩვენს შორის და-ლის და არავისთვის არავითარი ვნება არა ჰსურს.

* *

თოვლა, ღრმა, თეთრი თოვლია მოფენილი ყველა ქუ-ჩაზე. პატარა გრეტელი მოვიდა ჩემთან, გადსწყვიტა მარხი-ლით გასიერება. ქალაქ გარედ გავედით. სწრაფად, სწრა-ფად მირბოდა ჩვენი მარხილი თოვლან სიბ გზებზედა, მირ-ბოდა ჭრილით და მას ბანს აძლევდა ჟღარუნებასა და ზარე-ბის წკრიალი, მირბოდა თეთრ პატარა გორაკების უთა, ზემო-დან-კი ბაცი ნაცრის ფერი ცა დაგვყურებდა.

გრეტელს თავი ჩემს მხარზე დაედო. კმაყოფილი თვალე-ბით გასცქეროდა გრძელ გზას, რომელიც ჩვენ წინ მირბოდა



იაპონელი მსახიობი ქალი განაკო ოოტა. (მისი გასტროლების გამრ).

და სადღაც შორს იკარგებოდა. მიველით რესტორანში, რომელსაც შარშანდელ ზაფხულს აქედ კარგად ვიცნობდით. მა-შინ ის მთლად მწვანე ფოთლებში იყო დამალული, ეხლა-კი სურათი შეცვლილა: ისე მოცარიელებულა აქაურობა, ისე განცალკევებულა დანარჩენ ქვეყნიერებისაგან, თათქას დღეს პირველად მოვაგენით ამ ალაგსო. ძალზე გავარვარებული ფე-



ტფ. ქართველ მუშათა მოძრაობა-მგალობელთა გუნდი.
დაარსებული მიხ. კავსაძის მიერ.

ჩი ისე აცხუნებდა ოთახს, რომ იძულებულნი ვიყავით მაგიდა ფეხიდან ცოტა მოშორებით დაგვედგა. პატარა გრეტელს მარცხენა ლოყა და ყური სიციხისაგან გაუწითლდა. მეორე ლოყა მე აუწითლე კოცნით. სახლში უკვე ბინდისას დავბრუნდით. გრეტელი მაგრად მეკროდა, ხელები დამიჭირა: „დღეს ისევ ჩემი ხარ“ მიუბნეხა. ამ უნებლიედ წარმოთქმულმა სიტყვებმა მშვენიერ გუნებაზე მომიყვანა. ან, იქნება, სოფლის ცივმა ჰაერმა ხელ-ახლად გამოაცოცხლა ჩემი აზრები? ასე თუ ისე, ჩემს თავს უფრო ჯანმრთელად, უფრო მხიარულად ვგრძნობ, ვიდრე უკანასკნელ დღეებში.

* *

აი კიდევ, როდესაც, სადილის შემდეგ, ბურანში წასული, სავარძელზე ვიწექი, თავში ერთმა უცნაურმა აზრმა გამიბრინა. თითქოს ყოველისფერზე გული ავყარე, გულ-გრილი გავხდი, უგრძობელი. ასე ემართება ადამიანს, როცა ცრემლ-გამშრალი, გრძობა-დაკარგული თავის ძვირფასი არსების საფლავთან სდგას. ასე მოსდის იმასაც, რომელიც ისე უგრძობელი გამხდარა, რომ მას შიშიც კი ვერ არგებს ნაადრევ სიკვდილთან. ღიახ, ღიახ, შეურიგებელია, სწორედ, სწორედ...

* *

გათავდა, ყოველივე გათავდა. ცხოვრება, სიამოვნება, სიყვარულის ილღოზია, შორს ყველა ეს სისულელეები. ისევ ხშირად ვარ ხალხში. დიდი სიამოვნებით ვუცქერი მათ. ისინი უღარდენი არიან, მხიარულად ჰყბებდობენ უმნიშვნელო საგნებზე. გრეტელიც, ძვირფასი, მომაჯადოებელი არსება, რა მშვენიერია, როცა სადილს შემდეგ, ჩემს ფანჯარასთანა სდგას და მის ქერა თავზე მზის სხივები ბრწყინავენ.

* *

დღეს რაღაც გასაოცარი ამბავი მოჰხდა... დღევანდელი დღე ის დღეა, როცა ის ყოველ თვე ყვავილებს მიგზავნიდა... ყვავილები ისევ მომიტანეს, თითქოს... თითქოს არაფერი გამოცვლილიყოს.—მივიღე დილით ადრე, ფოსტით, თეთრი გრძელი, ვიწრო კოლოფით. ჯერ ადრე იყო. ჩემი ტვინი და თვალები ისევ ბურანით იყო მოცული. ყუთის გახსნა რომ მოვიწადინე, მხოლოდ მაშინ გამოვერკვიე... თითქმის ელდა მეცა.. ყუთში, ოქროს ფერ ძაფებით ლამაზად შეკრული, მიხაკისა და იის თაიგული ილა... თითქოს კუბოში წვესო. ყვავილები რომ ხელში ავიღე, გული საშინელმა გრძობამ მოიცვა. ვიცი, დღეს როგორ მივიღე კიდევ ეს ყვავილები: რო-

დესაც ის ავად გახდა, როდესაც სიკვდილის მოახლოვება იგრძნო, მალაზიაში ჩვეულებრივად დაიკვეთა ყვავილები და სთხოვა, დანიშნულ დროს გამოეგზავნა. დასაფასებელია ეს სინაზე.

რასაკვირველია, ყვავილების მიღება, მხოლოდ ამნაირად შემეძლო ამენსა. ბუნებრივიც არის გულის ამჩუყებელიც... მაგრამ მაინც, როდესაც ხელში მეჭირა, მომეჩვენა, თითქოს ათროლოდნენ, თავი დამიჭინეს. წინააღმდეგ ჩემი გონებისა და ნების ყოფისა, ისინი რაღაც ზეგრძობიერ მოვლენად მეჩვენდნენ, ასე მეგონა იმისაგან რომიტანეს მოკითხვა მეთქი. თითქოს იქიდანაც კი უნდა ემცნო თავისი სიყვარული, თავისი დაგვიანებული ერთგულება.—ოხ, ჩვენ არ ვიცი, რა არის სიკვდილი, ვერც როდისმე გავიგებთ; ყოველი არსება მხოლოდ მაშინა კვდება, როცა ყველა მისი ნაცნობებიც იხოცებიან... დღეს ყვავილები სულ სხვანაირად ავიღე ხელში, უფრო ნაზად, თითქოს მეშინოდა, ტლანქ, მოუხეშავ ქცევით რამე მეტყენინებინა... ასე მეგონა, მათი უხმო სული დაიკვნესებს მეთქი. ეხლა ყვავილები ჩემს მაგიდაზე, მაღალ, მწვანე ქიქაში სდგას, მგონია, თითქოს მწუხარე მადლობის ნიშნად თავებს აქნევენ. მათ სურნელებასთან ერთად თავს უსარგებლო დარღმა დამქროლა. მგონია, ბევრი რამის თქმა შეეძლებოდათ, ყველა ქმნილებათა ენა რომ გვესმოდეს და არა მარტო მოლაპარაკეთა.

* *

თავს არ ვიტყუებ. ყვავილებია—მეტი არაფერი. საიქიოდან გამოგზავნილი მოკითხვა... იგი სამარისკენ არ მიწვევს არა! რომელიმე შეყვავილე ქალმა მექანიკურად შეჭკრა იგი თაიგული, გადააფარა ბამბა, თეთრ ყუთში ჩასდო და ფოსტაში გაგზავნა. და აი, აქ გაჩნდნენ. მაშ რაღა ვფიქრობ ერთთავად მათზე?

* *

ხშირად დავდივარ წმინდა ჰაერზე, დავდივარ მარტოკა, შორს. როდესაც ხალხთან ვარ, ვერავითარ კავშირს ვერა ვგრძნობ მათთან, ყველა ძაფები სწყდება. ამას მაშინაც-კი ვგრძნობ, როცა თმა-ხუჭუჭა ქერა გოგონა ჩემს ოთახში მუხლზე მიზის და დაუღალავად ტიტინებს... ე—ეხ, მე არც კი მესმის, რაზე მელაპარაკება. წავა თუ არა, მაშინათვე ვგრძნობ, რომ იგი შორს არის ჩემგან, თითქოს სამუდამოდ წავიდა, თითქოს ხალხის ტალღამ შთანთქა იგი და უკვალოდ გააქრო. მეორედ რომ აღარ მოვიდეს, არც-კი გამიკვირდება.

* * *
 ყვავილები მალალ, მწვანე კიქაში სდგას. მათი ყლორ-
 ტები წყალშია ჩაშვებული, სურნელება მთელ ოთახს ავსებს.—
 ერთი კვირაა რაც ისინი ჩემს ოთახში სდგანან, მაგრამ
 მაინც სურნელებს აფრქვევენ... ნელ-ნელა სკვნებიან. ეხლა
 ბუნების ყველა საგნების ენა მესმის. მრწამს, თუ ღრუბელს,
 მდინარეს გამოველაპარაკე—პასუხს მივიღებ, აი სწორედ ამი-
 ტომ შევცქერო ამ ყვავილებს და ველი, როდის დაიწყებენ
 ლაპარაკს... მაგრამ არა, მე ვიცი, ისინი ყოველთვის ლაპარა-
 კობენ... ეხლაც-კი... ყოველთვის ლაპარაკობენ, სჩვიან... მეც
 მალე მივხვდები მათ ენას.

* * *
 გაზარებული ვარ, ზამთარს ბოლო ეღება... ჰაერს უკვე
 გაზაფხულის მოახლოვება ეძინება. საკვირვლად მიმდინარეობს
 ჩემი დრო. ისევე წინანდებულად ვცხოვრობ, მაგრამ ხანდისხან
 მგონია, თითქოს ჩემი ცხოვრების საზღვრები უწინდელ სი-
 კაცრეს ჰკარგავენ. გუშინდელი დღე უკვე ბურუსმა მოიცვა,
 —ის, რაც რამდენიმე დღის წინად მოხდა, რაღაც გამოყრკე-
 ველ სიზმრად მიმაჩნია. როცა გრეტელი თავს მანებებს, ასე
 მგონია (მეტადრე დიდი ხნის უნახაობის შემდეგ) ჩემი და იმის ამ-
 ბავი დიდი ხანია გათავდა. გრეტელი ყოველთვის ისე შორიდან
 მოდის, შორიდან... მხოლოდ მაშინ, როცა იგი თავი-
 სებურად ტიტინს მოჰყვება, გამოვერკვევი ხოლმე და
 სინამდვილეს მკაფიოდ ვხედავ. ამ დროს სიტყვები ხმა-
 მალლა ისმის, ფერი ნათლად. მაგრამ, როცა ძვირფასი
 პაწია, წასვლის უმაღლეს მიუწვდომელ სივრცეში იკარ-
 გება, რა რიგ წუთიერად და ცხოველად მჩვენება
 იმისი სიახლოვე! წინად, წასვლის შემდეგ, ოთახში ისევე გაის-
 მოდა ხოლმე მისი ხმა, ნათელი თვალების შუქი ბრწყინავდა;
 ეხლა-კი, ყველაფერი ერთბაშად ჩუმდება და ჰქრება, როგორც
 ყრუ გამოქვამულში.—მე და ჩემი ყვავილები მარტონი ვრჩე-
 ბით. ყვავილები კიდევ გახმა, სულ მთლად გახმა. აღარც სუ-
 ნი აქვს.—გრეტელი აქამდის ყურადღებას არ აქცევდა მათ;
 დღეს პირველად დააქერდა. ისე მეჩვენა, თითქოს რიდაცის
 კითხვა უნდოდა, მაგრამ ერთბაშად გამოურკვეველმა, საიდუმ-
 ლო შიშმა აიტანა და არაფერი სთქვა; საერთოდ აღარც სხვა
 რამეზე დამელაპარაკა, მალე გამომემშვიდობა და წავიდა.

* * *
 ყვავილები ნელ-ნელა იფურცლებო... ხელს არ ვახლებ:
 ხელში აღება და მტვრად ქცევა ერთი იქნება. ძალიან მწყინს
 რომ დასკვნენ. ვერ წარმომიდგენია, რატომ ძალა არა
 მყოფნის, ბოლო მოუღო ამ უაზრო აჩრდილს. ეს მკვდარი
 ყვავილები მტანჯავენ. ხანდისხან ვეღარ ვიტან ამ ტანჯვას და
 გავუბრუნებ. მაგრამ ქუჩაში რაღაცა მიზიდავს უკან, სახლისკენ
 მწევს მათს დასანახავად. ისევე იქ სდგანან, ისევე იმ მწვანე კი-
 ქაში, ისევე ისეთი დამკვნარი, მოწყენილი, როგორც დავსტო-
 ვე! გუშინ საღამოთი დავსტიროდი მათ, ვით საფლავს, და
 სრულებით კი არა ვფიქრობდი მასზე, ვინც ყვავილები გამო-
 მიგზავნა.

იქნება ვსცდები, მაგრამ მგონია გრეტელიც ამჩნევს,
 რომ ჩემს ოთახში რაღაც არაჩვეულებრივი სუფევს. ოთახში
 რომ ვართ, არ იცინის. ისე ხმა-მალლა, მხიარული, ცოცხალი
 კილოთი აღარა ლაპარაკობს. რასაკვირველია, მეც წინანდე-
 ბულად აღარ ვუხვდები... მეშინიან ადრე თუ გვიან არა მკით-
 ხოს. რომ მკითხოს, ჩემთვის ეს აუტანელი იქნება.

გრეტელს ხშირად თან სამუშაო მოაქვს. სანამ მე წიგნებ-
 სა ვკითხულობ, ის ზის მაგიდასთან, ან ჰქსოვს, ან ჰქერავს და
 მოთმინებით ელის, როდის გადავდებ წიგნს, მივალ მასთან და
 სამუშაოს ხელიდან გამოვართმევ. მერე მწვანე აბაჟურს გა-
 დავხდი ლამფას, რომელთანაც ის მუშაობდა და მთელს ოთახს
 საამური რბილი ნათელი ეფინება. არ მიყვარს, როცა კუთ-
 ხეებში ბნელა.

* * *
 გაზაფხულის ღამეა. ოთახის ფანჯარა ღიაა. მე და გრე-
 ტელი ბნელ ქუჩას გავცქერით. თბილმა, ნაზმა ჰაერმა მოგვი-
 ალერსა. გავიხედე ქუჩის კუთხისკენ, სადაც ფანარი ოღნავ
 აშუქებს რაღაც ჩრდილი გაჩნდა... ვხედავდი მას და არცა
 ვხედავდი... ვიცი, არ დამინახია... თვალები დავხუქე. მაინც
 ვხედავდი.—იქ საცოდავი არსება იდგა. იმ მკრთალ სინათლე-
 ში სახე ისე მკაფიოდ დავინახე, თითქოს ბრწყინვალე მზის
 სხივებით ყოფილიყვეს განათებული... და ამ მწუხარე, გაფით-

რებულ სახეზე დიდრონი, გაკვირვებული თვალები შევნიშნე.
 ნელი-ნელა ფანჯარას მოვშორდი და მაგიდასთან დავჯექი.
 ქუჩიდან ქარი უბერავს და სანთლის აღს ათამაშებს. უძრავად
 ვზივარ; ვგრძნობ, უბედური ქმნილება სდგას ქუჩაში და მე-
 ლოდება. რომ არ მეშინოდეს ამ მკვდარი ყვავილების ხელის
 ხლება, ქიქიდან ამოვიღებდი და იმას მიუბრუნებდი...

ასე ვფიქრობდი. ჩემი ფიქრი ნათელი იყო, თუმცა იმავ
 წუთში ვრწმუნდებოდი ამ აზრების სისულელეში. გრეტელიც
 მოშორდა ფანჯარას, ერთი წუთით ჩემს სკამს უკან შეჩერდა
 და ტუჩები ჩემს თმას შეეხო. მერე წავიდა; მარტო დავრჩი.
 ჩაშტერებით ვუცქეროდი ყვავილებს. ყვავილები აღარ არის.
 მარტო გამხმარი, საცოდავი, შიშველა ყლორტები-ღა დარჩა,
 მტანჯავს, თითქმის ჰკუას მაკარგინებს.—ეს ადვილი გასაგე-
 ბიცაა. ესე რომ არ იყვის, გრეტელი დიდი ხანია მკითხავდა,
 მაგრამ ისიცა ჰგრძნობს და ჩემი ოთახიდან ისე გარბის, თით-
 ქოს აქ რაღაც მოჩვენებანი დასახლებულიყვენ.

* * *
 მოჩვენებანი!—ღიას, ისინი არსებობენ, არსებობენ! მკვდა-
 რი საგნები ცხოვრებას სთამაშობენ. გამხმარი ყვავილები
 მქნარ სუნს აფრქვევენ მოსაგონებლად იმ დროისა, როცა
 ისინიც ჰყვავოდნენ. მკვდრებიც სდგებიან, ბუნდებიან, სანამ
 ჩვენ თითონ არ ვივიწყებ მათ. —რა ვქნათ, თუ ის ვეღარა ლა-
 პარაკობს; მე მაინც მესმის იმისი ხმა. აღარ დაბრუნდება, მა-
 რამ მე ხომ შემძლიან დავინახო! გაზაფხული, მზე, რომელიც
 ჩემს ხალიჩაზე სხივებს ჰფანტავს, ახლად აყვავებული იასამან-
 ნის სუნი, რომელიც მახლობელ ბაღიდან მოდის, ქვეით, ქუ-
 ჩაში მოსიარულე ხალხი, რომელთანაც მე საერთო არა მაქვს-
 რა,—განა მარტო ეს არის სიცოცხლე? მე შემძლიან ფარდე-
 ბი ჩამოვაფარო და მზე მოკვდება. აღარაფერს ვიკითხავ
 ხალხზე, დავივიწყებ მათ—ისინი დაიხოცებიან. მივხურავ ფან-
 ჯარას და იასამანის სუნს ვეღარ გავიგებ—გაზაფხული გაჰქრე-
 ბა. მე მზეზე, ხალხზე, გაზაფხულზე ძლიერი ვარ. მაგრამ მო-
 გონებანი, მოგონებანი ჩემზე ძლიერნი არიან. ისინი, როდეს-
 საც ჰსურთ მობძანდებიან. ადამიანს ვერ ძალუძს გაექცეს მათ.
 ეს ქიქაში ჩაშვებული, გამხმარი ყლორტები ნორჩ იასამანზე-
 დაც და გაზაფხულზედაც მძლავრია.

* * *
 ამ სტრიქონებსა ვსწვრიდი, როცა გრეტელი მოვიდა. ესე
 ადრე არა დროს არ მოსულა, ამიტომ ვავკვირდი, ავირიე. რამ-
 დენიმე წუთით კარებში შეჩერდა; შევცქეროდი, მისალმება-
 ვერ მომეხერხებინა. გაიღიმა, მომახლოვდა. ხელში ახალი
 ყვავილების თაიგული ეჭირა. უხმოდ მოუახლოვდა ჩემს სა-
 წერ მაგიდას და თაიგული წინ დამიდო. მერე მწვანე კიქაში
 მდგარს დამქნარს ყვავილებს სწრაფად სტაცა ხელი. თითქოს
 შიგ გულში მწვდა ვინმეო, ხმის ამოდებაც-კი ვეღარ შევძელ...
 მინდოდა, წამოვმხტარიყავ, ქალისთვის ხელი მეტაცნა, მა-
 რამ იგი იდგა და იცინოდა... დამქნარი ყვავილები მალლა-
 ასწია, მივიდა ფანჯარასთან და ქუჩაში გადაისროლა. მეგონა
 თან გადავყვებოდი, მაგრამ ჩემ წინ ფანჯარაზე დაყრდნობილი
 ქალი იდგა, სახე ჩემსკენ მოებრუნებინა. მის ქერა თმაში სი-
 ცოცხლით სავსე მზის სხივები თამაშობდა... გარედან იასამანის
 სუნი შემოდინოდა. მწვანე კიქას გადავხედე: ობოლივით ცა-
 რიელი იდგა საწერ-მაგიდაზე; არ ვიცი რა დამემართა. ის-კი
 ცხადი იყო, რაღაც მოსვენება ვიგრძენ. გრეტელმა აიღო თა-
 ვისი პატარა თაიგული და სახეზე მომადლო... ცივი, თეთრი
 იასამანი...

სალი, მშვენიერი ნაზი, ცივი; სურნელება ჰქონდა. მსურ-
 და, სახე მთლად ჩამემალნა შიგ.—მომცინარე, თეთრი, მემ-
 ბორე ყვავილებში! მოჩვენებანი გაჰქრენ. გრეტელი თავის
 ცელქ ხელებს თმაზე მისვამდა. მეუბნებოდა: „ჩემო სულელო!“
 ნეტავ, ჰგრძნობდა, რა ჩაიდინა? ხელები დავუქირე და კოც-
 ნა დავუწყე. საღამოთი წმინდა ჰაერზე გავიარეთ—გაზაფხუ-
 ლია. ეს არის ეხლა დავბრუნდით. ბევრი ვიარეთ. გრეტელი
 ისე დაიღალა, რომ აქვე ბუხართან, სავარძელში მიეძინა. რა
 მშვენიერია ეს გოგონა, როცა გაზაფხულს უღიმი. ჩემ წინ,
 მალალ, მწვანე კიქაში იასამანი სდგას.—ქვეით, ქუჩაზე—არა,
 არა, დიდი ხანია იქ აღარაფერია. ისინი მტვერთან ერთად ქარ-
 მა გაჰფანტა.

ე. ი — შვილი.

